

四庫全書

子部

欽定四庫全書

元和姓纂卷四

上平聲殷
韻至山韻

唐 林寶 撰

二十一殷

殷

子姓成湯國號也二十四代三十四王六百二十九年為周所滅子孫以國為姓秦末居河內野王漢初遷汝南

陳郡長平縣 漢北地太守殷續始居長平魏有褒

生昱生敬過江六代孫高明生不害不占不佞不
害孫開山唐吏部尚書節公開山姪元嗣文州刺
史開山堂姪祚刑部尚書堂姪日用宣歙州觀察御
史中丞不占孫聞禮太子中書舍人生令名令德令
言令威令名金部郎中國子司業生容冬官郎中容
生丞業宗正少卿令德曾孫嘉紹工書嘉紹再從弟
佐明倉部郎中令言孫踐猷生寅永寧尉寅生亮給
事中杭州刺史駕部郎中不佞生芊唐東宮學士孫

躋融生浩師師生仲堪堪元孫鈞梁五兵尚書有傳
曾孫藹唐蜀王文學

二十二元

元

左傳衛大夫元咺之後其先食采于元因氏焉今元
城是也其後子孫無聞

河南洛陽縣 後魏書官氏志曰拓拔氏改為元氏
自云黃帝子昌意之後居北土代為鮮卑君長宋書

云李陵之後昌意三十九代至昭成帝什翼犍始號
代王都雲中道武改號魏即尊號孝文帝都洛陽改
為元氏十一代十五帝一百六十一年為後周所滅
獻明帝生寔壽鳩紇根翰力真闕婆常山王壽鳩生
遵遵生素連素連生羽隣忠倍斤尉貨敦菩薩淑羽
隣曾孫文遙北齊左僕射生行恭行恕行恭隋主爵
侍郎行恕隋毛州司馬生務整務真務整唐兵部郎
中生知敬知默知敬吏部郎中知默主客員外務真

工部侍郎生知讓虞部郎中太府少卿讓生昭暉暕
晚暖暉侍御史暕尚書右丞右常侍生宰寬寔暖生
寓忠寓忠生盛壽興盛生懋左僕射北地王孫煥隋
工部侍郎煥生公珉公珉生大士唐吏部中書二侍
郎大士生逖遠遠遜司門郎中生季良比部郎中
仙州刺史季良生續續生撥蕙殿中御史遠生子恭
潭州司倉恭生澥全柔澥生敦義潮州刺史全柔御
史中丞黯中觀察蕙御史大夫曾孫虛受朗州刺史

生野順濮陽王野順生雄雄生胄右衛大將軍朗陵
公胄生仁惠懷簡懷節懷景懷簡吏部員外懷節孫
焯焯懷景尚書右丞武陵公生彥將暉令暉令生子
柔子求彥將給事中陳留太守採訪使生子上子哲
子長子長壽興公孫詮生祐禮臣祐曾孫孝綽梓州
刺史禮臣汾州刺史懷節孫待聘生琇戶部侍郎右
丞生佑工部員外郎壽興少子最司徒樂平王生亶
亶生文豪太僕少卿生思齊思哲思元思齊鄭州刺

史思哲舒州刺史思元右領軍思元生直南州刺史
倍斤生昭昭生元綱元曾孫邕江州刺史無泝榮州
刺史綱生經經生宏嗣宏則宏嗣隋黃門侍郎生仁
人觀觀易州刺史右武衛將軍生博古述古述古孫
皓宏嗣姪孫希古都官負外孫祥生子端子建子端
生善慶師獎善慶孫慈不仕生行冲兵部郎中國子
祭酒左常侍中山獻公生允殖允脩允殖和州刺史
生軾貨敷元孫德整生寶藏寶林寶藏魏州總管武

陽公生神霽青州刺史寶林生威洛州總管生守真
守真生澄湛澄遂州刺史湛生誼饒州刺史誼生申
右武衛將軍申生諸兵部員外諸生從質質生谷菩
薩趙郡王孫裕生武榮武幹武榮唐汾州刺史蘄春
公會孫湛試太府卿兼河南尹衡州刺史武幹生大
簡陝州長史女為讓帝妃贈少師淑生季海振季海
馮翊王司空振六代孫光謙考功郎中給事中紇根
生虔陳留王孫建生琛永壽琛孫暉隋兵部尚書暉

生仁器永壽生景安北齊太保賜姓高周復本姓孫
慈政唐邛州刺史生善應司賓卿同州刺史翰秦王
生儀觝儀七代孫公瞻駕部員外郎觝十一代孫搗
謙兼御史三從兄杭少府少監力真生意烈勃意烈
生伏于廣川王元孫公濟濟孫福果福果生江乘江
乘生攸勃元孫植生巖成巖隋兵部尚書平昌公生
琳琳生義恭義端義恭生孝節工部員外黃州刺史
生通理希聲通理給事中生從脩右司員外郎壽州

刺史從脩生至河南少尹希聲中書舍人吏部侍郎
生寄壽州刺史義端魏州刺史生延壽延福延景延
祚延壽睦州刺史生愷通州刺史延福生怡怡生偕
伾偉偕歸州刺史偉三原尉延景生俳南頓丞俳生
寬霄寬比部郎中生拒稹監察御史霄侍御史延祚
司議郎生平叔綿州長史生挹撝持揖吏部員外生
注洪錫錫生繇銑洪饒州刺史生晦撝太常博士持
都官郎中太武帝生景穆帝嗣王生天賜子推新成

雲休楨胡兒天賜汝陰王殿侍中生尚書循義

按魏書循

義作修義

右僕射安昌王均孝則孝矩孝方孝整孝則周

少師生

按此處脫名

隋太府卿孝矩隋洛州總管洵陽公

生端竭孝方順陽公生韶震韶唐沙州刺史震鄭州

刺史京兆王子推生恒芝中書監生昇暹昇江夏王

孫孝直渝州刺史暹生澤唐梁州都督新安王生禮

誠大智誠生懷式撫州刺史大智生萬頃光賓觀賓

萬頃鳳閣侍郎光賓生詢倩倩生正兼監察御史正

生義方季方義方廊防觀察兼御史中丞季方兵部
侍郎觀賓少府少監陽平王新成生衍安匡衍廬陵
王生叔暢祠部尚書元孫仁虔疊州刺史仁虔生思
忠思忠生權廬州刺史權生涉潮泚液液懷州刺史
生銅鈇鈇生宗簡叔暢六代孫邱比部負外任城王
雲生淑紀淑左僕射紀黃門侍郎曾孫旻左武衛大
將軍安定王休生燮孫景山唐安州總管宋安公生
成壽青州刺史南安王楨孫睦東海王梁武帝立之

號建安王曾孫武壽左武衛將軍樂陵王胡兒以天

賜子永全繼永全曾孫斌生文儼文俊文儼生利貞

鄜州刺史文俊辰州刺史道武帝生淮南王熙熙曾

孫繼江陽王生又羅又侍中高書郎羅曾孫靈遵通

州別駕明元帝晃案魏書明元帝名嗣晃乃太武帝之太子景穆帝此作明元帝晃與

魏書不合生範樂安王生良生法益滕忻法益梁侍中

生願達梁州刺史願達生神力神儼按此下疑脫善微一人神

威律師神力蒲州總管神儼右衛郎將善微右領軍

將軍神威杭州刺史律師左驍衛大將軍滕安樂王
吏部尚書生榮榮生康慎慎生端端生欽志儉欽荆
州刺史元孫彥英冀志儉蘓州刺史成安公慎生禕
均禕六代孫時中均曾孫思溫鄜州刺史平陰公生
若拙德秀若拙江夏令生亘宣楚等州刺史將作監
德秀魯山令均少子爽隴州刺史忻孫通隋魏州刺
史生雄純雄生元敬襄州刺史純邛州刺史太武帝
燾生臨淮王太尉譚譚生提建提生祐孚祐孫義遐

光祿少卿生仁昉工部員外孚生子端仲仁子端周
納言元孫將茂主客郎中仲仁生將旦莒州刺史建
七代孫思莊侍御史獻文帝宏生禧幹雍羽勰咸陽
王禧趙郡王幹元孫元景左衛率高陽王雍生斌端
廣陵王羽生欣周上柱國孫巖隋龍涸公羽少子恭
憫帝彭城王勰生懿七代孫鼎思州刺史攸孝莊帝
生安樂王長樂長樂生詮五代孫師獎鄆州刺史孝
文帝宏生廣平王懷五代孫寶琳綏州刺史韓公生

顧道明堂令文帝鬱律生烏孤平陽王樂真五代孫
孝政隋衡州刺史生仲文季良仲文唐右領軍將軍
河南公季良隋雍州司馬生懷唐恒州別駕懷生令
表令本令表工部侍郎司賓卿生欽俗匡欽俗都官
郎中京兆少尹令本生欽微樂真次子陵孫按此處脫名
莘山王贄大司馬孫德瑜生干祿鍾離縣令

太原 唐都官郎中元善禕稱昭成帝後南宮故事
云代居太原著姓禕曾孫谷神扶州刺史堂姪俯宋

州刺史元孫結容府經略兼中丞生友直為京兆少府

紇骨元 後魏獻帝與淑長元匹麟為紇骨氏十七代孫紹右司負外天授中詔改姓元氏

是云元 隋內史令元壽狀稱景帝後任城王澄子孫避介朱榮亂投匿是云家因從其姓至隋改姓元氏壽孫元哲開州刺史元質水部郎中生兆殷暢暢生韶河陽節度中丞

扶風 大厯中書侍郎平章事潁川公元載自云景

稱後父景升同敬同

按唐書載本寒微母携載適景昇冒姓元氏此脫

並不

仕代居扶風岐山本姓景氏或云孫姐氏垂拱初曹

王明妃元氏粉田在扶風令昇董其農殖著勞遂改

姓元氏生伯和秘書丞仲武祠部員外季能校書郎

袁

媯姓舜胡公滿之後字或作爰轅其實一也

按左傳晉作爰

田外傳作轅田又說文爰籀文以為車轅字古字通也

轅頗十一代孫袁生

陳郡夏陽縣 表生元孫幹封貴卿侯居陳郡為著

姓八代孫良生昌

按唐世系表良二子昌璋此脫璋一人

昌生安安生

京敞京生陽

案唐世系表陽作湯

陽生逢隗四代五公盛於東

漢璋生滂司徒滂生渙渙生侃侃六代孫宏准曾孫

質生宏豹宏元孫翻翻生叔德豹生洵濯淑濯生榮

洵生顛顛生昂昂生君政敬君政生樞憲樞生朗唐

給事中憲曾孫績駕部郎中敬孫利貞貞外郎表氏

自後漢魏晉至梁陳正傳世二十八人三公令僕一

十七人

汝南 安後又居汝南至紹術絕矣

彭城 袁生之後今無聞

樂陵東光縣 狀稱紹中子熙之後裔孫令喜唐同

州治中生異宏異式異宏瀘府參軍生恕已中書令

南陽王誨已潞州刺史恕已生建康淮南太守生高

給事中高生德師度支職方郎中太府少卿異式戶

部郎中異式姪曾孫個偁

案唐世系表個偁皆異式孫無姪曾字

個工部

負外郎生師儉

京兆 狀云漢之後唐舒州刺史處宏生公瑜公玘
玘生暉中書舍人公瑜刑部侍郎生忠臣仲將忠臣
左羽林將軍潁州刺史公瑜孫守一監察御史

華陰

隋左衛將軍袁溫

案唐世系表袁溫作袁子溫

稱漢之後

因官居華陰生士政唐南州刺史曾孫暄丹州咸寧
令生滋中書侍郎鄭滑節度生都郊

河東 唐秋官尚書同三品太原侯袁智宏狀云本

陳郡人孫澣兼御史中丞

襄陽 狀云袁術敗後子孫分散因居襄陽唐尚書
左丞袁仁敬又秘書少監致仕袁歆膳部郎中同直
左拾遺袁瓘宋州人

樊

周太子虞仲支孫為周卿士食采于樊因命氏今
河內陽樊是也周有樊穆仲字山甫樊仲皮樊齊並
其後又殷十七族有樊氏仲尼弟子遲魯人蓋其後

南陽胡陽縣 樊齊之後漢有舞陽侯樊噲曾孫嘉

為南陽太守因家焉後漢有樊重子宏封壽張侯重

迺光武外祖也一宗五侯晉永嘉南遷樊氏居淮南

裔孫南齊廣平太守道理生方興梁同州刺史魚復

侯方興生文熾新蔡侯文熾生靖猛毅毅陳護軍道

遙公猛陳荊州刺史富順侯生逵邃迪邃生慶德唐

左司郎中千牛將軍逵孫文司衛少卿文孫晃兵部

員外潤州刺史宏裔孫詠制舉及弟今止河東生澤

檢校右僕射襄陽節度生宗師宗易左監門中郎樊
思賢稱達後今止江陵生沈沈遂州別駕生紬左補
闕

廬江 樊宏之後晉有樊僧遠始居廬江裔孫道則
梁越州刺史生儒北齊仁州刺史儒生子車隋戶部
尚書齊國公孫思孝唐亳州刺史生忱慄忱戶部尚
書生稟萬年丞慄屬州刺史

沛國 樊噲之後今無聞

諸郡 諫議大夫樊系潤州人吏部員外樊元表監
察御史樊衡並相州安陽人屯田郎中樊肅洛陽人

原

周文王第十六子原伯之後封在河內子孫氏焉周
有原莊公原伯魯畿內諸侯也魯人原壤陳有原仲
晉原軫亦為原氏

魯郡兗州 今有原氏仲尼弟子憲之後

南陽 漢有漢陽太守原陽南陽太守原季自陽翟

徙茂陵生涉天水太守葬父南陽子孫因居之

源

後魏同出代北其先聖武帝詰汾長子匹孤七代孫
禿髮偃檀生賀歸後魏至太尉隴西王魏太武帝曰
卿與朕同源因賜姓源氏賀生懷尚書令隴西王生

子邕西平樂都官縣

案北史源子邕官樂平縣公北討都督此脫悞

周隋之

際居鄴郡安陽懷後子邕子恭生師並有傳師生崑
王直心誠心崑王比部郎中生翁歸翁歸生循業少

府少監生光裕光垂光賓光譽光裕左丞刑戶二侍郎光垂同州刺史光譽戶部侍郎京兆尹光裕生洵給事中江陵節度採訪留後使譽生休直心尚書左丞司刑太常伯生乾珍乾曜乾曜侍中左丞相安陽公自師三代左丞四子復弼潔清復兵部郎中華州刺史弼工部郎中潔河南令清駙馬誠心洛州司馬生禕匡贊乾珍生匡度黃州刺史臨漳公匡度生安都太原少尹禕吏部員外匡贊國子祭酒生伯良初

良少良伯良生敬幹處州刺史少良司勳員外師從
父弟惜益府司馬生壯兵部員外守戶部郎中懷少
子纂生雄隋徐州刺史

垣

漢西河太守垣恭之後

洛陽 南燕慕容德吏部尚書垣敞石季龍略陽地
徙之于鄴敞與子遵苗並降晉敞拜龍驤將軍遵散
騎常侍苗屯騎校尉苗生護之詢

下邳 垣敞子孫歸晉居下邳護之宋徐州刺史益
陽侯詢生崇祖齊五兵尚書詢兄子榮祖兗州刺史
封樂安子

爰

陳胡公九代孫伯諸之後後漢侍中爰延陳留人魏
郎中令爰節

濮陽 晉益州刺史爰邵唐郃國公子幹代居濮州
狀云其後也

滾

何氏纂文要云人姓也

園

四皓園公之後風俗通云氏于所居城郭園池是也

轅

漢功臣禦兒侯轅終古

案漢書禦作
御轅或作棗

軒

風俗通軒轅之後漢有諫議大夫軒和

言

仲尼弟子言偃之後今蘓州多此姓

原仲

陳大夫原仲之後楚大夫有原仲蔑

二十三魂

孫

周文王第八子衛康叔之後至武公生惠孫惠孫生
耳耳生武仲以王父字為氏元孫良夫生林父林父

生嘉又楚令尹孫叔敖及荀况並為孫氏吳有孫武
孫臏漢有孫會有孫宗孫寶

太原中都 漢西河太守會十一代孫資生南陽太
守宏宏生晉馮翊太守楚生纂生綽統從父弟盛晉
尚書右侍會宗裔子福為太原太守遇赤眉難遂家
焉

樂安 孫武之後漢有賓碩魏有清河太守孫煥晉
有孫顗避地于魏故屬樂安因家焉五代孫惠蔚

唐

世系表顛四代孫士和二子苑蔚蔚字伯華魏祕書監此惠字疑衍魏光祿大夫五代

孫希莊唐韓王典籤始居上黨涉縣生嘉之襄邑令

宋州司馬致仕生逖適遘遘中書舍人刑部侍郎

生宿絳成視宿中書舍人華州刺史生公噐邕州經

略使絳檢校郎中成桂府觀察兼中丞視生替否適

生會常州刺史遘右補闕河內司馬生公輔誠大理

評事

案唐世系表遘四子長公彥次密卿次公輔次起與此不合

東宛 孫贖之後漢有孫揚魏有孫耽晉有孫牧宋

有孫奉伯梁有孫謙

吳郡富春 吳孫武子世居富春堅策權權為吳帝

生亮休休子皓唐尚書左丞孫彥高廣陵云權後

富陽 孫武之後世居富陽裔孫遠宋寧遠將軍元

孫瑒陳祠部尚書定襄侯弟昕曾孫瑛唐雲州刺史

義興公又齊有孫瑀明臨川王常侍曾孫

案此下有脫名唐

浙州刺史也

清河 孫武之後魏清河太守靈懷曾孫處約唐中

書侍郎生倜俊倣佺延州刺史富春男俊荆府長
史樂安子倣濟州刺史佺幽州都督會稽公又戶部
侍郎孫伏伽清河人孫履中恒州刺史生匪驕

河東 夏官侍郎平章事孫元亨虞鄉人戶部員外
孫上客桑泉人

華原 唐處士孫思邈生行中書舍人子濟左司郎
中潤州刺史

洛陽 御史中丞孫景狀云武之後

温

唐虞叔之後温晉公族受封河內之温因以命氏又
卻至食采于温亦號温季漢功臣表温疥封栢順侯
栢音荀疥孫何始居太原

太原祁縣 何六代孫序後漢護羌校尉七代孫嶠
晉江州刺史嶠從子楷晉末從桓謚入後魏楷兄孫
竒後魏馮翊太守元孫君攸北齊開府參軍見文林
館記生大雅彥博彥將大雅禮部尚書黎孝公生無

隱釋允無隱工部侍郎生克讓克明晉昌釋允坊州
刺史彥博中書令左僕射虔恭公生振挺振太子舍
人生翁歸翁念翁歸庫部郎中括州刺史生緬績績

紹緘絢績

案唐世系
表績作績

為閬州刺史封虞公生皓皎曦

曦駙馬太僕卿生同正西華西華駙馬祕書監同正
生瑒紹生章道州刺史絢比部員外郎翁念左司郎
中太僕少卿挺駙馬延州刺史生常節常節生履言
右羽林將軍履言生冬日光嗣彥將中書侍郎清源

敬公生瓚瑜瑾璩瓚生焯焯炫瑜祠部郎中汴州刺史璩職方郎中鄭州刺史生道冲和州刺史道冲生任佐佚任生襄襄生初國子主簿

渾

左傳衛大夫渾良夫

河南 官氏志吐谷渾氏改為渾氏

昆

夏諸侯昆吾氏之後齊有昆辯見戰國策又見纂要

文

尊

古尊盧氏之後

罇

見纂要文

屯

姓苑云渾沌氏之後去水為屯漢有常山太守屯英

盆

見姓苑

齊郡 漢益門氏改為益氏

坤

坤年子六國時著書見風俗通

溫孤

代人改溫垂拱中有溫孤元軌

溫伯

莊子有溫伯雪子

昆吾

世本古己姓國夏時侯伯祝融氏之後

孫陽

風俗通景母封孫陽侯丹曾孫汾避亂隴西因封為氏

盆成

孟子有盆成括仕齊

奔水

英賢傳祁大夫之後奔漢水氏焉

門尹

宋門尹般之後宋又有門尹且渠

屯渾

太昊之佐屯渾氏其後為氏

尊盧

古太昊時諸侯氏也

二十四痕

根

後蜀法部尚書根度

根水

神農納根水氏女為氏

按世本老童娶根水氏女
又通志神農娶奔水氏女

二十五寒

寒

周武王韓侯之後避難後為寒氏一云夏諸侯寒浞

之後

魯國薛縣 後漢清河相寒朗

韓

晉穆侯子成師生萬食采于韓原因以命氏代為晉
卿曾孫厥生起起生湏湏生不信元孫景侯分晉為
諸侯八代至王安為秦所滅襄王孫漢韓王信信生
襄城侯嬰弓高侯頽當頽當孫龍額侯詵案道侯詵

說曾孫大司馬

按此脫名

裔孫後漢司空稜晉太常卿伯

潁川長社縣 漢御史大夫韓安國與稜並潁川人

南陽堵縣 顏當元孫 竄避王莽亂 因居之 魏司徒

甫陽恭侯

案唐世系表甫陽作甫鄉

暨六代孫延之 晉末從司馬

休之奔姚興 又奔後魏 封魯侯

案唐世系表魯侯作魯陽侯

元孫

褒周少保三水正伯生仲良 遜滂仲良 唐戶部尚書

潁川公生瑗 侍中孫澄 汲郡太守生炅 孫檢

案唐世系表檢

作儉生琦 祐琦左監門大將軍 生滑 蜀州刺史 祐生溱

左補闕 溱生憬 協憬 亳州刺史 協駕部郎中 協生泰

祠部郎中 滂生同慶 司勳郎中 褒再從姪 憲之 唐憲

部郎中

昌黎棘成縣 晉貞外韓安之生潜恬後魏書云並
延之族弟同隨州司馬休之自南入後魏恬子都為
元菟太守因居昌黎潜元孫建業北齊司徒安南王
曾孫孝城唐左金吾大將軍南康公生令英亳州刺
史生止水都生普賢後魏昌黎王普賢生永興高密
公高密公生長鸞嶺東嶺東環州刺史生處約主客
員外後周有商州刺史洪雅公韓護狀稱潜後居京

兆孫符巫州刺史生智休倩智洛州刺史司戶參軍
休黃門侍郎平章事少師生浩洽洪法澗渾洄洽殿
中侍御史生述武述朗州刺史武温州刺史洪司勳
員外生章工部尚書法諫議大夫知制誥生卓殿中
御史卓生準洛陽令澗左僕射平章事晉國公生群
臯群國子祭酒臯兵部尚書東都留守洄戶部侍郎
京兆尹倩左庶子生演滌紫唐世系演和州刺史滌
表滌作滌生承徽大敏大敏中書舍人曾孫革太府卿黃門侍

郎生思復稱昌黎潛後代居雲陽生朝宗京兆尹朝
宗生賞賞質賁潤州刺史賞給事中質京兆少尹中
書舍人生翊拾遺翊生倫侑侑果州刺史並云昌黎
人延之族弟恬後馬

陳留 本潁川人稜後徙陳留唐禮部郎中韓雲卿
弟紳卿京兆司錄兄子會愈會起居舍人愈職方員
外侍御史韓彥亦陳留人生琬殿中御史生諶

河東 狀云本自潁川徙馬唐給事中韓液右補闕

韓昆並家蒲坂

廣陵 狀云本潁川人禮部員外韓擇木生秀榮秀
實弼弼國子司業秀實太子中允

京兆 邠寧節度檢校僕射韓游環

東郡 檢校司空平章事汴宋節度使韓宏弟權右
金吾將軍

范陽 夏綏銀節度檢校尚書右僕射韓金義

單

周成王封少子臻于單邑為甸內侯因氏馬襄公穆

公靖公二十餘代為周卿士漢功臣中年侯單右將

軍

案漢書中年共侯單
右車此作右將軍侯

傳封六代昌武侯單究封七

代

濟陰 後漢單匡為濟陰太守因家焉隋末單雄信

仕李密生道真唐梁州司馬生思敬思禮思遠思敬

安東都護生光業思遠河南尹岐州刺史生有隣不

先

東陽 山陽令單顧生颺居山陽熙六代孫海藏唐
晉陵令生頃頃生南容西游

蘭

鄭穆公支孫以王父字為氏漢武陵太守蘭廣後漢
匈奴四姓有蘭氏遼東蘭河勃後燕北平王蘭審慕
容垂舅子也鮮卑種類

河南 官氏志烏桓氏改為蘭唐右武將軍長基直
州刺史蘭大遠房子令興並其後

檀

姜姓齊公族有食瑕邱檀因以為氏檀伯達為周卿士禮記魯有檀弓六國時齊有檀子

高平南山縣 晉改山陽為高平因為郡人後檀喜元孫檀播六代孫道濟宋司空江州刺史武陵公兄衺西昌侯從祖父憲之晉書有傳宋有道鸞撰晉陽秋

安

風俗通漢有安成廬山記安高安息王子入侍

姑臧涼州 出自安國漢代遣子朝國居涼土後魏

安難陀至孫盤娑羅

案唐世系表作盤娑羅

代居涼州為薩寶

生興貴執李軌送京師以功拜右武衛大將軍歸國

公生恒安生成

案唐世系表作文成

成生忠敬右屯兵將軍忠

敬生抱玉賜姓李氏兵部尚書平章事涼國公抱玉

生自正兵部郎中自正生縱脩仁左驍衛大將軍郎

國公生永壽永達永昌永壽右領軍將軍永達不仕

生懷恪陳州司馬生齊管生抱真

案唐世系表永壽生齊管懷洛生抱

真與此不合

檢校司空平章事生緘少府少監永昌生元

暉殿中御史貝州刺史生義穆義仲義穆生季明義

仲閣門府果毅

干

左傳宋大夫干隼之後陳干徵師漢蜀郡尉干獻吳

軍師干吉晉將軍干瓚

新蔡 干隼之後晉丹陽丞干營生寶著晉紀及搜

神記

但

姓苑云漢有濟南太守但巴

丹

堯子丹朱之後為氏

姍

古刪字見纂要云人姓

邗音寒

河南 官氏志 秘邗氏改為邗氏

邯鄲

晉趙襄側室子趙穿武武

案趙盾子武未嘗食采邯鄲攷通志邯鄲氏即穿後

二武字當衍

食采邯鄲因氏焉杜氏族譜曰穿生旃旃生

勝勝生午午生稷漢朝衛尉邯鄲義後趙錄有邯鄲

悼

陳留 漢有陳留人綽魏有涼州刺史邯鄲商支孫

邯鄲淳工書為平原侯植文學

韓言

世本晉韓厥生無忌無忌生襄襄生魯為韓言氏

韓籍

晉韓起子籍字叔禽為韓籍氏

韓嬰

晉韓宣公子孫韓嬰云韓嬰氏

韓侯

周宣王錫命韓侯支孫氏馬

韓獻

晉韓獻子支孫因氏焉

安期

英賢傳安期生古仙人漢有安期先生蒯通友也

安平

齊將田單封安平君因為氏焉

安都

漢校尉安都多見霍去病傳

安是

世本老童娶安是女

干已

陳大夫干徵師食采于已因氏焉漢京兆尹干已術

二十六桓

桓

姜姓齊桓公之後以諡為姓又宋桓公之後向魍亦
為桓氏後漢太子少傅桓榮

譙國龍亢 桓榮後有司徒桓虞榮八代孫彞晉宣

城內史生雲溫豁秘冲温大司馬南郡宣武公生元

豁生石虔石虎冲荆州刺史豐城公生嗣謙循業唐世系

表循晉護軍將軍長社侯桓業桓字衍過江居丹陽生尹

尹生崇之唐郇王諮議桓法嗣狀稱崇之七代孫也

法嗣生思敏少府丞思敏生彥範侍中扶陽王臣彥

範京兆尹姪廷昌刑部郎中上元中准制改姓姜氏

河南 官氏志烏桓氏改姓桓

潘

周文王子畢公高之後子伯季食采于潘因氏焉周
有潘惟司空有潘父岳家譜云潘氏楚公族芊姓之
後崇子疋生黨漢潘瑾後漢潘助

廣宗 今宋城縣勗生芑滿芑生岳滿生尼本居滎
陽中年孫才為晉廣宗太守因家焉八代生紹業後
魏隋州刺史生子義隋尚書右丞孫求仁唐屯田郎
中杭州刺史唐侍御史岐王府司馬潘好禮貝州人

亦尼後滎陽中年瑾裔孫居中為著姓才玄孫聰

生光南燕太守女適同郡鄭晔生小白同林連山幼

林等光七代孫義長星

案此處疑有脫悞

相州安成令

武陵漢壽縣

吳志太常潘濬生秘僕射

案吳志濬生翥又吳

志翥字文龍拜騎都尉僕射非孫吳之官秘亦不見于史蓋有脫誤

唐秘書監肅仁江

夏人自云濬之後

馮翊 狀云屋後唐左屯大將軍潘道毅弟神祐膳

部員外郎

京兆 狀云最後水部員外潘伯起

河南 後魏官氏志破多羅氏改姓潘氏威狀云十
四代祖魏尚書僕射子孫因晉亂沒蕃遂居代北後
魏潘長懷朔鎮北將生永興龍興右僕射生信安齊
司空黃城王孫神威唐定城府統軍今占鄆縣永生
相樂北齊司空河東王唐監察御史潘玠世居信都
稱相樂之後玠生炎禮部侍郎炎生孟陽高陽孟陽
戶部侍郎高陽晉州刺史

盤

盤瓠之後與舟譚巴李田為巴南六姓

案後漢書盤瓠作槃瓠

莞

姓苑云吳人音官

二十七刪

闕

風俗通云闕令尹喜之後一云出自夏大夫闕龍逢之後漢長水校尉闕陽蜀前將軍漢壽亭侯闕羽字

雲長

河東 關羽代居解縣羽子興侍中河東狀稱關羽
之後唐中書侍郎平章事右僕射致仕闕播

顏

顓頊之後陸終第五子曰安為曹姓裔孫挾周武王
封邾至武公字顏公羊謂之顏公子孫因以為氏出
圈稱陳留風俗傳及葛洪要字又王儉譜云出自魯
侯伯禽支庶食采顏邑因氏焉真卿尚書譜云未驗

何所憑

案真卿語作未知
儉何所憑此誤

今依圈葛二家及舊譜為

定仲尼弟子達者八人路回僕噲何祖辛也

案朱彞尊孔子

弟子考顏氏弟子達者八人路回之僕子何噲幸子
相高八人也此缺高一人又幸或作辛通典作柳咸

淳臨安志作韋
子相史記作祖

見書傳顏叔子顏丁顏鷄顏高顏息

譜魯人顏子涿聚齊大夫子晉顏芝河間人生貞秦

末藏孝經者也漢大司農顏異濟南人也顏駟江都

人後漢袁紹將顏良

琅邪江都

後漢臨沂人魏徐州刺史顏盛始自魯

瑯邪曾孫舍西平靖侯晉永嘉過江居丹陽生髦約
髦生緜暢暢孫師伯宋侍中左僕射約孫延年光祿
勳延年生竣測真竣吏部尚書真五兵尚書緜五代
孫協生之儀之推之善之儀後周御史大夫平陽公
五代孫溫之司門郎中之推北齊黃門侍郎生思魯
愍楚游秦思魯記室生師古相時勤禮為侍郎秘書
監按此處脫名生趨庭職方郎中曾孫迨元孫庶相時秦
府學士禮部侍郎生益期期曾孫交勤禮生顯甫顯

甫生元孫惟貞元孫滁州刺史生杲卿常山太守贈
太保司徒忠節公孫証右庶子生縱覽惟貞生允南
真卿允臧允南司封郎中真卿工部尚書太保贈司
徒魯文忠公允臧生頰楚州刺史育德元孫防同州
刺史游秦鄆州刺史生元勝右補闕之善孫有意沔
州刺史真卿生頰頰南昌狀云與師古同承緜唐虞
部負外謨有生昭粹

班

羊姓楚若教生鬪伯比伯比生令尹子文為獸所乳
謂獸有文班因氏焉秦有班壹避地棲煩生孺孺生
長長生回回生况况生稚稚生彪

扶風平陵 况女為成帝媿好徙平陵彪生固固生
顓顓生澄陳祠部郎中班投始居汲郡狀稱十三代
孫也挺元孫思簡唐春官員外生景倩吏部侍郎祕
書監生鈞杭懸渙宏映榮宏戶部尚書生肅肅生震
震夔州刺史

環

楚有環列之尹子孫氏焉楚有環泉

案環泉本環淵避唐諱作泉

漢有太守環饒晉環濟撰要畧

管

魯大夫食采于管因氏焉

趙郡趙州 管襲趙郡李氏譜云李叡娶晉郎中令

同郡管襲女唐乾元河東節度使管崇嗣

案唐書作管崇嗣此

作管字與史不合

駢
邱姦反

漢書駢臂吳人治易

關龍

夏桀時忠臣關龍逢之後

顏成

莊子有顏成子游

二十八山

山

周山師之官掌山林以官為氏風俗通云烈山氏之
後漢武都太守山昱

河南懷縣 山昱之後漢宣元時臨穎侯山君真生

儒始自穎川徙陳留五代孫若公後漢鉅鹿太守徙

河內八代孫輝魏宛句令生濤字巨源晉吏部尚書

司徒新杏侯

按晉書濤贈
新杏伯此悞

生簡左僕射生遐東陽太


守

河南 官氏志吐難氏改為山氏後魏中書令河東

伯山偉生子深子渾渾生顯唐左武衛將軍

間

見姓苑



元和姓纂卷四